

पाथ १६ मन्दली है लिसिउ काता



आछिम गे मन्दलीए जूनी छुत
ओचाहित ल्यो पाँर सिऊसिना
गेबाज़्या।

१. बाइबलए है लिज़्या-

ख्रीस गे उमिनतावरलाई बाँचैज़्याव ज़। किताव गे मन्दलीए
गेड़ैताव ख्रीस लिज़्या, हिताव ज़ जे जेड़ैत जेरेर लिज़्यार।

(एफिसी ५:२३)

आल 'मन्दली' है लिसिउ पाँए ओअर्थ गे छनचरबार
छचाम दैसिद पोखारिन्या फ़िम माःक, नोए ओअर्थ ते
प्रभु येसुलाई गेयुँ हुप्ज़्याव मिँ भरी ज़।

है जैद आव पदए पैसिज़्याव गे गेयुँ हुबोर पाइँ आव
संसारल ख्रीसए ज़।

२. ख्रीस स्वर्गत लिज़्या। है जैद मिंराए आव संसारल
ओललाई मारैः धुर खाली गे फरी ख्रीसए ओक्याँर ज़
गेताज़्याव ताकिन मिंराए येसुलाई
रैः धुन्या लेर।

३. क. यायुँ माहुबोराए येसुलाई
कान्त यारैः धुज़्याव?.....।

ख. काराव? काराव ल्यो ताकिन मन्दली ख्रीसए
..... ज़।

प्राइँ मिंरास छुत छुत बरदानर ज़ ताज़्या।

४. क्याँ तोबो ओतादी मनी नक्याँत छुत छुत यायेन ल्योर
लिज़्यार। नमुनाए जूँनी, मी सोनो कुइ। क्याँत लिज़्याव
छुत नेबरें मिन सरो ताके।।

५. क्याँताव लिज़्याव भरिए दाव परिन्या सु सु यायेन
लिज़्या।



नँ लिज़्यावर जूँनी ज़।




नँ गा जूनी ज़।



नँ जूनी ज़।

६. खीसए ओक्याँत लिज़्यावराए दान्या येनर मनी ईताव ज़ ताज़्या। परमेस्वरए ओसेवा सोनो छुतए ओसेवा दान्या सदस्याराए सु सु यायेन ज़ ताज़्या। चित्रल ध्यान दाद चिरुव ताके।



क. रोताव चित्रल नेथो कान्कावल प्राईए तोबो
येन यादोज़्याव। सोनो।
ख. कान्काव चित्रल सदस्याराए

छुत छुत येन यादोज़्याव? चित्र।

ग. यायुँ हबो भरिराए सु सु यायेन ताज़्या लिन्या नमुना
कान्काव चित्र? चित्र।

७. आव चित्रए मेलाव यासिउ पाँलाई नमुनास सतैंज़्याव।

“हिताव ज़ गे ख्रीसए उमिनतावर छुत छुत गेलिदी ब ख्रीसनी तक्याँ ज़
गेताज़्या। है जैद परमेस्वरए ओयासिउ गोइँनी सु सु गेबरदान छुत छुत
ओतावए हो मितावनी ज़ दोव ताके। परमेस्वरए उपरूसनी पाँज़्यावए
परमेस्वरए ल्योनी ओदैव गोइँनी ज़ ओपाँक।” (रोमी १२:५-६)

ख्रीसए ओक्याँत लिज़्यावराए (गे) छुत छुत
दैद गेनै।

८. आल बरदान है लिसिउ परमेस्वरए ओयासिज़्याव ग्यान
ज़। इताव ग्यानर परमेस्वरए सुलाई याद ओनैज़्याव?
.....लाई।

९. बाइबलए है लिज़्या-

“है जैद परमेस्वरए ओयासिउ गोइँनी सु सु गेबरदान छुत छुत
ओतावए हो मितावनी ज़ दोव ताके। परमेस्वरए उपरूसनी
पाँज़्यावए परमेस्वरए ल्योनी ओदैव गोइँनी ज़ ओपाँक। सेवा
दाज़्यावए सेवा ज़ ओदोवक। परमेस्वरए ओपाँ पैज़्यावए ओसैँव
भरी ओरापैवक।” (रोमी १२:६-७)

छुत पाँनी गे प्राइँए-

क. परमेस्वरए उपुरूसनी पाँव परिए।

ख. गेलाई यासिउ ग्यान चलैद दाव परिए।

ग. पैन्या सोनो सेवा दान्या येन दाव परिए।

१०. है जैद रूवा यायुँ हुबोरालाई पैन्या, रूवालाई चित्र
जैन्या रूवारालाई फरी छुतलाई उयुँर होलाँ जैदयान्या
बरदानर यासिउ लिज़्या।

रूवारालाई माथैव मायो.वरालाई सघैन्या बरदान
उलिकिन नोए नोरालाई ओरासघैवक।

रूवारालाई पैन्या बरदान उलिकिन नोए

.....। छुतलाई उयुँ होलाँ जैदयान्या बरदान

ल्योए छुतए ओयोको।



परमेस्वरए ल्योनी ते काता बरदान
मनी घेप्पा ज़िम्ज़ा माताए। नँलाई
मनी बरदान याद नैनिउ नो बरदान
परमेस्वरए उजूँनी चलैव ताके।

मिँ भरी याचाहित ल्योर ज़ लिज़ियार।

११. बाइबलए है लिज़िया-

“हैदी ब ख्रीसए गे उमीरालाई ओल ओगोइँव मितावनी ज़ ओयेन दान्यात सु सु गेबरदान याद नैसिउ।” (एफिसी ४:७)

“आव बरदानर तोबोका तोबो छैँव पुरूसए ओयेनर ज़। नो पुरूसए ज़ जो जोरालाई किताव किताव यान्या उयुँ लिज़िया, हो होरालाई ज़ याएज्याव।” (१ कोरिन्थी १२:११)

क. परमेस्वरए ल्योनी काता बरदान ज़
मादैव काताकाव उयुँ हुबो उलिज़ियाव रो?
.....।

ख. हो ची ताकिन ख्रीसए ओसेवा चलैन्यात
नँस काता बरदान उलिज़ियाव रो?
.....।

१२. परमेस्वरए ओयेनत सँपिसिन्या डास काता ज़ माले है
लिन्या चेतैद रुवा यायुँ हुबोराए गल्ती दोज़ियार, खाली
आव साचो माःक।

लड ११ लाव पद मिताव गे लाई
ओल्योनी तोबो तोबो बरदान यासिउ लिज़्या।

१३. छुत यायुँ हुबोराए आव पाँलालाई चबनै उल्ल्यानी
सूँचिद गल्ली ज़ दोज़्यार। हो काता पाँ लिक ते नोर या
वाज़ बरदानए ब्याल्द यालिज़्याव डम्सिज़्यार सोनो
याज़ सैन्या जैसिद स०ज़्यार। ईताव क्याँ ज़ सैन्या
जैसिद स०न्यानी क्याँए क्याँताव लिज़्याव भरिनी
अथबा छुत उयुँ हुबोलाई सज़िम्द पाँव परींसिज़्याव।

मन्दलीलाव सदस्यारास खाजनास बरदान
ओताज़्याव?

क. जो प्राईं येनत डादा लिज़्या, होस ताज़्या।
ख. जोए चावस सैज़्याव, होस वाज़।
ग. नो सोजोकाव मुइलिउ सदस्या ज़
गमाताज़्याक, हो प्राईंस ज़।

१४. है जैद बाइबलए है लिज़्या-

मीए कुइलाई, “डालाई नँ नचाहित माले” है मादोधुव। हो
मिताव ज़ ड़ैए खँलाई, “डालाई नँ नचाहित माले” है
मादोधुव। (१ कोरिन्थी १२:२१)

स्थानी मन्दलीलाव सदस्या

खाजना छुतरालाई ओचाहिज़्याव? ।

१५. ख्वा मिँराए मेलाव यासिउ पाँर है यालिज़्याव ताकिन
कान्काव थिक (✓) चिना लैव ताके।

क. “डास परमेस्वरए ओसेवा दान्या कला
लिज़्या खाली नो भाइस ते ईताव कला ज़
माले।”

ख. “ख्रीसनिकाव डाभाइलाई ते परमेस्वरए
ओसेवा दान्या बरदान लिज़्या खाली डास ते
माले।”

ग. “उयुँ हुबो डानैँस गिन ते फरक फरकलाव
मिँनी ची हैदी ब प्रभुए ओसेवात गे प्राईँस ज़
बरदान लिज़्या।”

१६. गे भरिलाई परमेस्वरए काता याद ओनैसिज़्याव नो
याद ओनैसिज़्यावनी ज़ गे परमेस्वरए ओसेवा भरी
गेदोधुज़्याव? ।

१७. मेलाव यासिउ पाँर डा कान्काव पाँर दाव
उपरिज़्याव?

(तोबोकिन कुधुत (✓) चिना लैव ताके)

क. छुत ख्रीस्त्यानए ओबरदान रँ:द खिस्न्या ।

ख. क्याँकिन छ्या ओबरदान ल्यो मिँलाई ज़िम्ज़ा
रँ:न्या ।

ग. क्याँए दैसिउ बरदानरालाई चलैद प्रभुलाई
धन्याबाद यान्या ।

घ. छुतरास लिज़्याव बरदानए ओमान नैदयाद
होए जूँनी परमेस्वरलाई धन्याबाद यान्या ।

१८. परमेस्वरए नँलाई उईव बरदानलाई नँ काता जैव
उपरिज़्याव? ।

१९. ख्रीसलाई उयुँ हबो नभाइस नँ किताव बानी दान्या
ओमाताज़्याव? (✓) चिना लैव ताके ।

क. खिस्न्या, ख. धन्याबाद।

ग. सोन्या।

२०. हो ची ताकिन ख्रीसलाई यायुँ हुबो गेभाइरास गेबानी
किताव ताव उपरिज़्याव? ताव
परिज़्या।

२१. गेक्याँताव लिज़्याव भरिलाई
माछुतैसिधुइ। जो मिँ ब येनदा
ओबाक ओक्याँताव लिज़्याव
भरिस ज़ बाज़्या। क्याँत
लिज़्याव (कुइ अथबा सुनी)



झिमक ख्यानैद माबासिधुइ। क्याँताव भरी प्राइँ तोबो
ज़ ओतावए सिप ज़ लिज़्यार, हिताव ज़ ख्वा यायुँ
हुबोर झिमक लिन्या सोनो उपुर्कावर मन्दलील सेवा
सङ्गतिदा बान्या गल्ती येन ज़। याभाग्या माल्यो ख्वा
ख्वा मन्दलीर रोताव चित्रत सतैसिउ मिँ मितावर
ताज़्यार। मेलाव चित्रल नेखाललाव मन्दलीर सतैसिउ
लिज़्या। काताकाव रोताव चित्रस ओखैज़्याव?



..... क

.....ख

२२. गेक्याँताव लिज़्यावर हुनी होदा सघैसिउ परिज़्या। है
जैद ख्वार मन्दलील सेवा सङ्गतिदा बान्या, ख्वार
भिमक ज़ लिन्या थिक उलिज़्याव रो?
.....।

२३. ख्रीसए ओक्याँ सोनो परमेस्वरए ओथोर गेतावए गेलाई
गे गेल सघैसिन्या ओचाहित ताज़्या।
है जैद ज़ ओताकिन सेवा सङ्गति ओताव बेलाक गे
..... रैव परिज़्या। छुतराए
क्याँसकाव लिज़्याव बरदान चलैक गे नोरास
..... ताव परिके।

२४. आख ते जाँच १६ दाव ताके।

जाँच १६

१. मिँराए आछिम ओल ओक्याँताव लिज़्यावनी ख्रीसलाई
रँ:धुज़्यार। आछिम संसारल ख्रीसए ओक्याँ
..... ताव लिज़्या, हो ज़ ।
२. सेवा ओदोधुरक लिद परमेस्वरए
गे भरिलाई काता याद ओनैसिज़्याव? ।
३. छुत यायुँ हुबोराए मनी बरदानर यादैवए गे किताव ताव
उपरिज़्याव?
..... ।
४. परमेस्वरए ओयासिउ बरदानलाई गे काता जैव
उपरिज़्याव?
..... ।
५. मन्दलीलाव सदस्यारानी खाजना सदस्यार ख्रीसए
ओक्याँए जूँनी ओचाहिज़्याव?
..... ।

६. मन्दलीलाव सेवाल दुप्सिन्यात गे काता काता जैव
उपरिज़्याव?

..... ।

७. मेलाव लिज़्यावरानी काताकाव थिक उलिज़्याव?

क. “डामन्दलीलाव सदस्यारास काताए बरदान
ज़ माले। डास कुधु बरदानर लिज़्या। है जैद डा
सुस मनी साएता निव मापरिए। आव डाजूनी चाव
पाँ ज़।”

ख. “खास आव चाव लिज़्या, सन्जुस कुधु बरदानर
उलिज़्याए डा काता ज़ जैव मापरिए।”

ग. “गेपास्तरए ते बनै चाव पाँ सथैसिज़्याव, खाली डा
डायुँ ते बनै स्यासे तेज़्या, काराव ल्यो ताकिन
परमेस्वरए ओसेवा दान्या डास काता बरदान ज़
माले।”

घ. “मन्दलीलाई चिऊन्या सेवा दान्या येन ज़, नो तालिम
दैव लिज़्या सोनो ओकला ल्यो ब लिज़्या। है जैद
निताव येनत डा काता भाक ज़ रैव मापरिए।”

ङ. “डा गेसेवा सङ्गतिल बनै डायुँ होलाँ ताज़्या,
प्राइँ सु सु यायेन यादोज़्यावए परमेस्वरए
मन्दलील असिक याव ज़ नैसिज़्याव।”